

Seres míticos

CATEGORÍAS RELACIONADAS

Demos Rumudos

Veñen sendo uns trasnos ou diaños bulreiros de Antas de Ulla. Collen a aparencia dun carneiro e coma quen non quere a cousa fan os extraviados e preséntanse de noite ós que andan sós polos camiños. Manseliñamente déixanse coller e agarimar e cando o camiñante confiado carga no lombo aquel carneiro, pensa que leva para a casa un inesperado lote de carne. ¡Ca! É entón cando actúa o Demo Rumudo, bulrándose cruelmente do camiñante.

A Xan de Ludeiro aparecéuselle un demo rumudo na Fonte Do Quenllo. Cando xa chegaba á casa, moi ledto, co animal ó lombo, vai o carneiro e mexa por el e de súpeto pártese en dous. Xan, asustado, solta o carneiro que xa no chan volve recompoñerse, bota unha gargallada longa e bulrenta e pérdese na noite.

Outro tanto lle pasou a un de San Simón da Costa, en Vilalba, que colleu o carneiro ó lombo e xa chegando á casa dispúxose a baixalo. O carneiro falou.

Póusame amodiño,
non me manques
no meu caralliño.

Axiña estoupou e desapareceu.

Pero en Vilalba non lle chaman Demo Rumudo, nin Diaño Bulreiro.

Extractado do □Diccionario dos seres míticos galegos□.

Texto elaborado con información do libro □ Somos lenda viva. Lendas para rapaces□, Cítania de Publicacións, Lugo, 1996, da autoría de MINI (Xosé L. Rivas Cruz) / MERO (Baldomero Iglesias Dobarrio).

BIBLIOGRAFÍA

CUBA, X. R., MIRANDA, X. e REIGOSA, A., Dicionario dos seres míticos galegos [Demos Rumudos], Xerais, Vigo, 1999.

MINI (Xosé L. Rivas Cruz) / MERO (Baldomero Iglesias Dobarrio), *Somos lenda viva. Lendas para rapaces*, Citania de Publicacións, Lugo, 1996.